



საქართველოს განათლებისა და მეცნიერების მინისტრი

ბრძანება №92

თბილისი

„09“ 02 2015

„სახელმწიფო სტიპენდიები სტუდენტებს“ პროგრამის დამტკიცების შესახებ

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 21-ე მუხლის, „საქართველოს განათლებისა და მეცნიერების სამინისტროს დებულების დამტკიცების შესახებ“ საქართველოს მთავრობის 2004 წლის 21 მაისის №37 დადგენილებით დამტკიცებული დებულების მე-2 მუხლის მე-2 პუნქტის „ჩ“ ქვეპუნქტის, მე-3 მუხლის მე-2 პუნქტის „ზ“ და „მ“ ქვეპუნქტების საფუძველზე და საქართველოს განათლებისა და მეცნიერების მინისტრის მოადგილის 2015 წლის 5 თებერვლის N80095 სამსახურებრივი ბარათის გათვალისწინებით

ვ ბ რ ძ ა ნ ე ბ ა:

1. დამტკიცდეს პროგრამა - „სახელმწიფო სტიპენდიები სტუდენტებს“ (პროგრამული კოდი - 32 04 03 03) ამ ბრძანების დანართის შესაბამისად;
2. დაევალოს საქართველოს განათლებისა და მეცნიერების სამინისტროს ეკონომიკურ დეპარტამენტსა და უმაღლესი განათლებისა და მეცნიერების განვითარების დეპარტამენტს ამ ბრძანების შესრულებისათვის შესაბამისი ღონისძიებების განხორციელება;
3. დაევალოს საქართველოს განათლებისა და მეცნიერების სამინისტროს საზოგადოებასთან ურთიერთობის დეპარტამენტს ამ ბრძანების გამოქვეყნება საქართველოს განათლებისა და მეცნიერების სამინისტროს ოფიციალურ ვებგვერდზე;
4. ბრძანება ძალაშია ხელმოწერისთანავე;
5. ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის.: ქ. თბილისი, აღმაშენებლის ხეივანი მე-12 კმ., №6).

თამარ სანიკიძე

დამტკიცებულია:

საქართველოს განათლებისა და მეცნიერების მინისტრის  
2015 წლის ექ-02 № 92 ბრძანებით

## სახელმწიფო სტიპენდიები სტუდენტებს

პროგრამული კოდი - 32 04 03 03

2015 წ

**მუხლი.1 პროგრამის დასახელება**  
**სახელმწიფო სტიპენდიები სტუდენტებს**

პროგრამის მოქმედების ვადა	2015 წელი
პროგრამის ჯამური ბიუჯეტი	4 500 000 ლარი
პროგრამის ხელმძღვანელი/კოორდინატორი	ვალერიან გობრონიძე

**მუხლი 2. პროგრამის ზოგადი მიზანი**

„სახელმწიფო სტიპენდიები სტუდენტებს“ პროგრამის (შემდგომში - პროგრამა) მიზანია სტუდენტთა სასწავლო პროცესებში აქტიურად ჩართულობის ხელშეწყობა და წახალისება.

**მუხლი 3. პროგრამის აქტუალურობა**

პიროვნების ინტერესებისა და შესაძლებლობების შესატყვისი უმაღლესი განათლების მიღების მოთხოვნილებათა დაკმაყოფილების, პიროვნული პოტენციალის რეალიზებისა და შემოქმედებითი უნარ-ჩვევების განვითარების მიზნის მისაღწევად სახელმწიფო უზრუნველყოფს უმაღლესი განათლების ხელმისაწვდომობას. პროგრამა „სახელმწიფო სტიპენდიები სტუდენტებს“ ემსახურება სტუდენტთა სწავლის მოტივაციის ამაღლებას და სოციალური პირობების გაუმჯობესების ხელშეწყობას მათთვის სახელმწიფო სტიპენდიების დანიშვნის მეშვეობით.

**მუხლი 4. პროგრამის მიზნობრივი ჯგუფი**

1. პროგრამის მიზნობრივ ჯგუფს წარმოადგენს პროგრამაში ჩართული სსიპ - უმაღლესი საგანმანათლებლო დაწესებულებების ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული სტუდენტები (შემდგომში - სტუდენტები).

2. პროგრამაში ჩართულია ის უმაღლესი საგანმანათლებლო დაწესებულებები, რომელთა დამფუძნებლად განსაზღვრულია სახელმწიფო, რომელსაც წარმოადგენს საქართველოს განათლებისა და მეცნიერების სამინისტრო.

**მუხლი 5. პროგრამის განხორციელების სტრატეგია**

1. პროგრამაში ჩართულ უმაღლეს საგანმანათლებლო დაწესებულებებს გამოეყოფათ ასიგნებები ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ჩარიცხულ სტუდენტთა სტიპენდიებით უზრუნველსაყოფად.

2. პროგრამის ფარგლებში ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ჩარიცხული სტუდენტები 2015 წელს სტიპენდიებით უზრუნველყოფილი იქნებიან

იანვრის, თებერვლის, მარტის, აპრილის, მაისის, ივნისის, ივლისის, ოქტომბრის, ნოემბრის და დეკემბრის თვეებში.

3. პროგრამაში ჩართულ, დანართი 1-ით განსაზღვრულ თითოეულ უმაღლეს საგანმანათლებლო დაწესებულებას 2015 წლის იანვრის და თებერვლის თვეების ასიგნებები გამოეყოფა 2014-2015 სასწავლო წლის პირველ სემესტრში ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე აქტიური სტუდენტის სტატუსის მქონე სტუდენტთა საერთო რაოდენობის 4%-ის სტიპენდიებით უზრუნველსაყოფად, თითოეული სტუდენტისთვის 150 ლარის ოდენობით თვეში, „სახელმწიფო სტიპენდიები სტუდენტებს პროგრამის დამტკიცების შესახებ“ საქართველოს განათლებისა და მეცნიერების მინისტრის 2014 წლის 30 იანვრის №134 ბრძანებაში ცვლილების შეტანის შესახებ“ საქართველოს განათლებისა და მეცნიერების მინისტრის 2014 წლის 01 დეკემბრის №1335 ბრძანების პირველი პუნქტით გათვალისწინებული დანართის მე-9 მუხლის შესაბამისად.

4. პროგრამაში ჩართულ თითოეულ უმაღლეს საგანმანათლებლო დაწესებულებას მარტის, აპრილის, მაისის, ივნისის და ივლისის თვეების ასიგნებები გამოეყოფა 2014-2015 სასწავლო წლის მეორე სემესტრში ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე აქტიური სტუდენტის სტატუსის მქონე სტუდენტთა საერთო რაოდენობის 4%-ის სტიპენდიებით უზრუნველსაყოფად, თითოეული სტუდენტისთვის 150 ლარის ოდენობით თვეში.

5. პროგრამაში ჩართულ თითოეულ უმაღლეს საგანმანათლებლო დაწესებულებას ოქტომბრის, ნოემბრის და დეკემბრის თვეების ასიგნებები გამოეყოფა 2015-2016 სასწავლო წლის პირველ სემესტრში ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე აქტიური სტუდენტის სტატუსის მქონე სტუდენტთა საერთო რაოდენობის 4%-ის სტიპენდიებით უზრუნველსაყოფად, თითოეული სტუდენტისთვის 150 ლარის ოდენობით თვეში.

6. თითოეულ უმაღლესი საგანმანათლებლო დაწესებულების ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ჩარიცხულ სტუდენტთა საერთო რაოდენობა განისაზღვრება სსიპ - განათლების ხარისხის განვითარების ეროვნული ცენტრის მიერ მოწოდებული წერილობითი ინფორმაციის საფუძველზე.

7. სტიპენდიანტთა შერჩევას თითოეული უმაღლესი საგანმანათლებლო დაწესებულებისთვის განსაზღვრული სტუდენტთა ოდენობისა და დაფინანსების მოცულობის ფარგლებში ახორციელებენ უმაღლესი საგანმანათლებლო დაწესებულებები. შერჩევის კრიტერიუმში, რომელიც მტკიცდება უმაღლესი საგანმანათლებლო დაწესებულების ხელმძღვანელის ინდივიდუალური ადმინისტრაციულ-სამართლებრივი აქტით, უნდა ეფუძნებოდეს: სტუდენტის აკადემიურ მოსწრებას, მონაწილეობას სტუდენტურ კონფერენციებში და სხვა.

8. სტიპენდიით დაფინანსების უფლების მქონე პირთა განსაზღვრა ხორციელდება ყოველი სემესტრის დასაწყისში, გასული სემესტრის მონაცემების საფუძველზე.

9. პროგრამაში ჩართულ უმაღლეს საგანმანათლებლო დაწესებულებებში სტიპენდიის მფლობელი სტუდენტის სტატუსის შეჩერების/შეწყვეტისას სტიპენდიის გაცემა შეწყდება.

10. ამ მუხლის მეცხრე პუნქტით გათვალისწინებულ შემთხვევაში, უმაღლესი საგანმანათლებლო დაწესებულება უფლებამოსილია მიიღოს გადაწყვეტილება გაუცემელი თანხის სხვა სტუდენტისათვის სტიპენდიის სახით დანიშვნის შესახებ.

11. პროგრამის მონიტორინგს ახორციელებს საქართველოს განათლებისა და მეცნიერების სამინისტროს უმაღლესი განათლებისა და მეცნიერების განვითარების დეპარტამენტის სტუდენტთა სოციალური ხელშეწყობის სამმართველო.

12. უმაღლესი საგანმანათლებლო დაწესებულება ვალდებულია საქართველოს განათლებისა და მეცნიერების სამინისტროში წარმოადგინოს „სახელმწიფო სტიპენდიები სტუდენტებს“ პროგრამის ფარგლებში სტიპენდიანტთა შერჩევის კრიტერიუმებთან დაკავშირებით გამოცემული ინდივიდუალური ადმინისტრაციულ-სამართლებრივი აქტები.

**მუხლი 6. პროგრამის სპეციფიური მიზნები**

1. სტუდენტთა სწავლის მოტივაციის ამაღლება;
2. სტუდენტთა სოციალური პირობების გაუმჯობესების ხელშეწყობა.

**მუხლი 7. მოსალოდნელი შედეგი/შედეგები**

სახელმწიფო სტიპენდიებით უზრუნველყოფილი იქნება პროგრამაში ჩართული უმაღლესი საგანმანათლებლო დაწესებულებების ბაკალავრიატის ან დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული, აქტიური სტუდენტის სტატუსის მქონე სტუდენტთა საერთო რაოდენობის 4%.

**მუხლი 8. პროგრამის ამოცანები/მოსალოდნელი შედეგები, ვადები და აქტივობები**

N	ამოცანა/შედეგი	აქტივობები	ვადები
1	2015 წლის იანვრის და თებერვლის თვეებში სტიპენდიანტთა შერჩევა	1.1 სტიპენდიანტთა რაოდენობის განსაზღვრა 1.2 სტიპენდიანტთა შერჩევა	2015 წლის იანვარი-თებერვალი
2	2015 წლის მარტის, აპრილის, მაისის, ივნისის და ივლისის თვეებში სტიპენდიანტთა შერჩევა	2.1. სტიპენდიანტთა რაოდენობის განსაზღვრა 2.2 სტიპენდიანტთა შერჩევა	2015 წლის მარტი-ივლისი
3	2015 წლის ოქტომბრის, ნოემბრის და დეკემბრის თვეებში სტიპენდიანტთა შერჩევა	3.1 სტიპენდიანტთა რაოდენობის განსაზღვრა 3.2 სტიპენდიანტთა შერჩევა	2015 წლის ოქტომბერი-დეკემბერი

მუხლი 9. პროგრამის განხორციელებაში ჩართული მხარეები და მათი ფუნქციები/ვალდებულებები

N	პასუხისმგებელი ერთეული/ პოზიცია	უწყება/სტრუქტურული	ფუნქციები/ვალდებულება
1	საქართველოს სამინისტროს მეცნიერების სტუდენტთა სამმართველო	განათლებისა და მეცნიერების უმაღლესი განათლებისა და განვითარების დეპარტამენტის სოციალური ხელშეწყობის	უზრუნველყოფს სტიპენდიანტთა რაოდენობის განსაზღვრას
2	პროგრამაში საგანმანათლებლო დაწესებულებები	ჩართული უმაღლესი	უზრუნველყოფენ სტიპენდიანტთა შერჩევას

მუხლი 10. პროგრამის ამოცანები და შეფასების კრიტერიუმები/ინდიკატორები

ამოცანები /შედეგები	შეფასების კრიტერიუმები/ ინდიკატორები	გადამოწმების წყაროები და საშუალებები/პასუხისმგებელი პირი
სტიპენდიანტთა რაოდენობის განსაზღვრა და სტიპენდიანტთა შერჩევა	პროგრამის მონიტორინგი	1. სსიპ - განათლების ხარისხის განვითარების ეროვნული ცენტრის მიერ მოწოდებული წერილობითი ინფორმაცია უმაღლეს საგანმანათლებლო დაწესებულებებში სტუდენტთა რაოდენობის შესახებ. 2. პროგრამის ფარგლებში სტიპენდიანტთა შერჩევის კრიტერიუმებთან დაკავშირებით გამოცემული, უმაღლესი საგანმანათლებლო დაწესებულების ხელმძღვანელის ადმინისტრაციულ-სამართლებრივი აქტები

მუხლი 11. პროგრამის ბიუჯეტი

პროგრამული კოდი	პროგრამის დასახელება	სულ 2015 წელი
32 04 03 03	სახელმწიფო სტიპენდიები სტუდენტებს	4,500,000.0
	ხარჯები	4,500,000.0
	სხვა ხარჯები	4,500,000.0

პროგრამაში ჩართული უმაღლესი საგანმანათლებლო დაწესებულებებისთვის 2015 წლის იანვრის და თებერვლის თვეებში გამოყოფილი ასიგნებები

N	უმაღლესი საგანმანათლებლო დაწესებულება	2014-2015 სასწავლო წლის პირველ სემესტრში უმაღლესი განათლების პირველ საფეხურზე აქტიური სტუდენტის სტატუსის მქონე სტუდენტთა საერთო რაოდენობა	2014-2015 სასწავლო წლის პირველ სემესტრში სტიპენდიანტთა რაოდენობა	თანა ერთ თვეში (ლარი)	თანა ორი თვის განმავლობაში (ლარი)
1	სსიპ - ივანე ჯავახიშვილის სახელობის თბილისის სახელმწიფო უნივერსიტეტი	19 148	766	114 900	229 800
2	სსიპ - თბილისის სახელმწიფო სამედიცინო უნივერსიტეტი	6 739	270	40 500	81 000
3	სსიპ - ილიას სახელმწიფო უნივერსიტეტი	12 219	489	73 350	146 700
4	სსიპ - აკაკი წერეთლის სახელმწიფო უნივერსიტეტი	7 735	309	46 350	92 700
5	სსიპ - იაკობ გოგებაშვილის სახელობის თელავის სახელმწიფო უნივერსიტეტი	1 127	45	6 750	13 500
6	სსიპ - საქართველოს ტექნიკური უნივერსიტეტი	17 288	692	103 800	207 600
7	სსიპ - შოთა მესხიას ზუგდიდის სახელმწიფო სასწავლო უნივერსიტეტი	457	18	2 700	5 400
8	სსიპ - სამცხე-ჯავახეთის სახელმწიფო უნივერსიტეტი	1 081	43	6 450	12 900
9	სსიპ - სოხუმის სახელმწიფო უნივერსიტეტი	2 447	98	14 700	29 400
10	სსიპ - გორის სასწავლო უნივერსიტეტი	1 567	63	9 450	18 900
	სულ	69 808	2793	418 950	837 900